

землю вашу и удивятся врази ваши егда населят ю, вас же разсею в языки и обнажу на вы мечь, и будет земля ваша пуста и грады ваши разрушены. И прочя даже до конца тоя главы прочти.

Се колика въздаання благая обеща бог слушающим и ходящим по воле и по велению его, и калика страшная злая и безчисленные казни обещивает навести на непослушныя заповедей его ради, еже отринуша судьбы его и законы его престапующе презирают, и церкви, невесте его, непослушны суть! Сия суть велия и дивная дела господня, изысканна в всех волях его!

Ниже разньствуеть, аще настоятел благ, благочинен и свят есть, или зол будет и строптив. Понеже по учению Съборные епистолии первьий л. 493 об. Петро||вы повинуватись нам подобаеть с всею боязнию настоятелем церковным не токмо благым и благонравным, но и строптивым; аще кто наказан будеть от настоятеля церкви и не послушаеть, да будет ти яко язычник и грешник. Слово еуангельское,\* Матфей, 18 глава. Тем бо дана есть всяка власть на небеси и на земли; вся елика свяжутъ на земли, будутъ связанна на небеси, и вся елика разрешать на земли, будутъ разрешена и на небеси.<sup>3</sup> Сея ради вязания и решения власти от Духа церкви и настаятелем преданные; вси царие, начальници и прочии мирьстии господя, вси Христу первее и церкви правосла||вней и настоятелем послушание святое з боязнию и честью изъявляти должни есме. Не створивый же сего неверен и богови спротивен вменится по словеси Павла избраннаго учителя язык к римляном, глава 13,<sup>4</sup> егда глаголетъ: Всяка душа властем вышшим да покаряется, несть бо власть токмо от бога, а яже суть от бога устроена суть, тем же противляяйся власти божью строению противится, противляющии же ся сами себе осужение приобретаютъ вечное. Яко же глаголетъ апостол Павел пространно в послании и главе л. 494 об. предреченных. Ведомо же есть яко многа суть заповеди || и безчисленная повеления, в них же богови и настоятелем церкви божию подобаеть повинуватись, яже вся христианом православным в многих писаниих от Христа пръвее и от апостол его и от святых отецъ явно и откровенно предана суть.

В сем же слове едину божью заповед от всих насред привести потщимся, о нем же в настоящих в сем слове будетъ глагол, еже есть сие писанное в Исходе, глава 20, сицевыми словесы: да не похощеши дому ближняго твоего, ниже вжелееши жену его, ни раба, ни рабыню, ни вола, ни осяти, ни вся, яже его суть. В сей заповеди законоположитель Моисей л. 495 заповедуетъ всякое безчинное же||лание и всяко действо грабительства и святотатъства елико к ближнему. И аще ближняго вещи и имения вжелеши възбраняютъ, много болши отняти не попустятся: менши бо есть вжелеши, неже отняти. Ныне же аще ближняго обида нам под казнию вечнаго осужения заповеданна есть, много болши обида божиа и невесты его отняти бо благаа церкви божиин, яже богови освященна и дана суть. Обиду творить первое богови, второе — настоятелею и спротивен Еуангелию обрящется, в нем же глаголетъ: «Въздадите кесарева кесареви и божиа богови»; не рече: «Отимите у бога яже суть божиа». Аще убо || л. 495 об. еже менши есть нам не леть без греха, како леть будетъ еже тягчае есть без муки? Кто бо сумнится еже богови створити предкновение тягчае есть грех, неже человеку сътворити предкновение? Аще же тягчае есть грех прогневати бога, то тягчае отмщение и мука за то мучаше должна есть. Отняти же благая церковная есть предкновение богови и ему обида творити. Сего ради за то, аще не покается и аще не отдасть, снидет в огонь

\* На поле зачало 66; в ркп. еуангеское. <sup>3</sup> На поле Рече господь к Петру.  
<sup>4</sup> На поле Зачало 111.